



ԵՐԿՈՒ ՀՐԷԸ

Ա.



Պո՛ր, պոռոտախօս վարձկան գրչահներ,
Հայ խորագրութեան խառար կանթնդներ!
Պեր դափնիները ձեզ համար պահե՛ք,
Պեր գովասանքը չեմ ուզում նրդք:
Թողե՛ք եւ շփոք ձեր հայհոյանքը,
Գըրախօսական ձեր խորքանջանքը!
Պեր դատաստանը պետք չէ պօտին.
Նա ձեզ համար չէ նրգում իշմարին:—
Ցանկանա՛նք այս ոտանառոր,
Որ հին գրոյց է, սահայն յանգառոր,
Հայ ժողովրդի համար նմ՛ գրում,
Մեր ժողովրդի համար նմ պատմում.

Բ.

Օ, համեստափայլ բնբոյշ տիկիններ,
Հայոց աշխարհի չքնաղ հիւրիներ!
Թո՛ղ չըմուսլի ձեր հոգին անբիծ
Այս պապենական անմեղ զրոյցից:
Այստեղ ես բնաւ ձե՛զ չեմ անարգում,—
Ձեր հիւանդ բրոջ կեանքն եմ պատմում...
Այո, հիւանդ էր նա վարբ ու բարբոյ,
Իսպառ այլանդակ, զազիր իր հոգով:

Նա այնքան նենգ էր, գոռոզ, լեզուանի,
 Որ Աստուած ձեզնից թող հեռու տանի!
 Նա նախատինք էր գեղեցիկ սեռի,
 Նա նենգամիտ էր, իբրև չար փերի:

Գ

Նորա խեղճ մարդն էլ հանգիստ չ'ունէր.—
 Ամեն օր կուլ, անվերջ անէծքներ,
 Ամեն օր աղմուկ, հայհոյանք, յիշոց,
 Վիրաւորանքներ և տուրուղըմոց
 Անպակաս էին միշտ նորա տանը:
 Եւ ճնշուած, նեղուած մեր շինականը
 Չը գիտէր՝ թէ ինչ հողը տար գլխին,—
 Կեանքը ծանր էր, ծանր, դառնագի՛նտ:
 Արդեօք ուր փախչի իր կնոջ ձեռքից?
 Ինչպէս ազատուի նա այն հըրէշից?
 Նա մտածում էր, անվերջ մտածում,
 Բայց ազատուելու հնար չէր գտնում:

Դ

Էին ժամանակն էր նահապետական—
 Ոչ ազատ կամք կար, ոչ ապահարզան:
 Միայն մա՛հն էր կարող անջատել,
 Մարդուն կնոջից յաւերժ բաժանել:
 Բայց դժբաղդաբար մահը չէր գալիս
 Ու շինականի կեանքին վերջ տալիս.
 Ա՛խ, այն հրէշի հետ ինչու պսակուեց,
 Ինչու իւր կեանքը նորա հետ կապեց?
 Եւ ո՞ր անգութը գլորեց նորան
 Աղէտի ծովը, ծովը դառնութեան?
 Ո՞ր չարանենգը թըշուաացրեց,
 Վշտի անդունդը նորան տապալեց?

Ե

Ոչ որ.— ոչ խարդախ մօցիքունները,

Ոչ էլ բռնակալ, խիստ ծնողները...
 Եւսյի դստեր աչերն էին
 Դըժոխքը ձգել խեղճ շինականին.
 Գոհար, հրապուրիչ, սահայն ահաւոր,
 Աչերն էին միայն մեղաւոր...
 Պաղ աղբիւրի մօտ տեսել էր հեռուից
 Չքնաղ գեղջկուհուն, նորա աչերից
 Դիւթուել, հըմայուել... Ուժ մարով կ'անցնէր,
 Որ այդ երկնային, գեղատես պատկեր
 Իր շքնաղութեան դիւթիչ քօղի տակ
 Ունի զաղրելի հոգի այլանդակ?

Զ

Բացուեցաւ այգը: Լեռների ետև
 Ահա երևաց ոսկեփայլ արև,
 Կարմիր բոցերով երկինքը պատեց,
 Շքեղ բնութիւնն բնից զարթեցրեց:
 Կանաչ անտառը մեղմիկ հովերից
 Խշշում է հանդարտ, խշշում բաղցրալից:
 Եւ կանաչագարդ լեռների լանջում
 Հօտերն էին սողոսկում, մայում:
 Եւ շքեղ գարնան դիւթիչ հրապոյրներ,
 Կեանքի բաղցրութիւն, կեանքի վայելքներ
 Ձեն թովում բնաւ հէգ շինականին—
 Դառն վիշտն է լոկ նորա բաժին:

Է

Երկնաբերձ լեռան կանաչ լանջի տակ
 Մշուշով պատած անդունդ կար անտակ,
 Որ բացած մռայլ բերանն ահաւոր,
 Կարծես՝ ուղում էր կուլ տալ սար ու ձոր:
 Եւ զարհուրելի անդունդի խորքում
 Մի ահբուրի հրէշ էր բնակում.
 Մերձակայ գիւղի բնակիչներին
 Լափել էր արդէն, շէնը հիմնովին

Քարուքանդ արել, կործանել իսպառ
 Ու ինքը մտել անդունդը խաւար
 Հանգստանալու. բնած էր այնտեղ
 Մարդկային ազգի թշնամին ահեղ:

Ը

Եւ ահըռելի անդունդի եզրին՝
 Հէգ շինականը՝ նստած լալագին՝
 Դառն ողբում էր, անվերջ հառաչում,
 Իր սև ու տարտամ կեանքն անիծում
 Իր գարշ կենակցից հալածուած իսպառ՝
 Փախել էր անից, ընկել սար ու բար,
 Որ այստեղ՝ հեռու մարդկանց աչքերից՝
 Անձնատուր լինի վշտին դառնալից:
 Սակայն այստեղ էլ հանգիստ չըգտաւ —
 Այլանդակ կինը յանկարծ յայնունեցաւ,
 Փրփուրը բերնին, կատղած, մոլեգնած,
 Ահեղ աչքերը արիւնակալած...

Թ

Սոսկաց գիւղացին... Նա կամենում էր
 Փախչել, ազատուել, բայց արդէն ուշ էր —
 Նա զգաց իրան կընոջ ճիրանում...
 Եւ շինականի բորբոքուած սրտում
 Խառնուեցին իրար՝ վիշա ու սարսափանք,
 Յուսահատութիւն, զայրոյթ ու տանջանք.
 Խելագարի պէս ցնցուեց, տատանուեց,
 Գարշելի կընոջ անդունդը գլորեց...
 Նողկալի կինը մռնչաց ուժգին,
 Անտակ ու խաւար անդունդի միջին
 Արտաւազդի պէս՝ չքացաւ իսպառ...
 Եւ ահեղ ձայնից որոտաց աշխարհ:

Ժ

Անդունդի խորքում կինը բանտարկուած՝

Փետում էր վարսը, վաղվզում կատղած,
 Ցածից իր մարդուն անէծք ուղարկում,
 Գերուած վագրի պէս՝ ուժգին մոնչում.
 Նա չանկատում էր լերի ապառաժներ,
 Ուզում էր ցաակել, թռչել դէպի վեր,
 Իր տապալողին գցել ոտի տակ,
 Զախջախել նորան, անել նահատակ.
 Բայց նորա ջանքն ունայն էր անցնում—
 Անդունդը խորն էր՝ ելնել չէր կարում.
 Եւ նա գոչում էր, մոնչում կրկին,
 Անդունդի խորքը թնդացնում ուժգին...

ԺԱ

Եւ դաժան կընոջ գոռում-գոչումից
 Հրէշը սարսափած զարթնեց իր քնից:
 Այն հզօր, հուժկու հրէշն ահաւոր,
 Որից սոսկում են մարդիկ բիւրաւոր,
 Որը ժայռեր է խորտակում, փշրում,
 Որը գետեր է խմում, ցամբեցնում,
 Որը կլանում է անհամար զոհեր
 Ու հիմնայառակ կործանում գիւղեր,—
 Զգաց երկիւղը առաջին անգամ,
 Այն էլ՝ կնոջից լիրբ ու անզգամ՝
 Նա զգաց, որ կոյ աւելի հզօր,
 Իրանից հուժկու, հրէշ ահաւոր:

ԺԲ

Մարդկային ազգի ահեղ թշնամին
 Երկար չըմաց անդունդի միջին:
 Դաժան կնոջից սարսափած իսպառ՝
 Սպասում էր նա ըոպէի յարմար,
 Որ իր խոր բնից մի կերպով փախչի,
 Լոյս աշխարհ դուրս գայ, ազատ շունչ բաշի...
 Յանկարծ անդունդը ուժգին դղրդաց,
 Եւ նորա միջից ահա զարհուրած՝

Հրէշը դուրս ցատկեց, թռաւ, բարձրացաւ,
Ամպերի միջին անհետ չքացաւ...
Դրսից այդ տեսաւ մեր շինականը,
Իսկոյն հասկացաւ՝ ինչու՞ն է լանը...:

ԺԳ

Եւ նա մտտանքը, մոլոր քայլերով
Գնաց դէպի տուն լեռան լանջերով:
Նա և՛ ուրախ էր, և՛ յուսահատուած,
Ե՛ւ երջանիկ էր, և՛ դժբաղդացած:
Թէպէտ գարշելի կինն էլ չըկար,
Թէպէտ այժմ՝ նա ազատ էր իսպառ,
Բայց, կարծես, կնոջ պատկերն ահեղ
Միշտ հալածում էր նորան ամեն տեղ.
Եւ ահըռելի անդունդից խաւար,
Վարծես, անէծք էր հնչում անդադար.
Վարծես, բացուել էր նորա գաղանիքը,
Եւ լսում մարդկանց դատակնիքը:

ԺԴ

Բայց ոչ... բոլորը զուր ցնորքներ են—
Այլանդակ կինը մեռած է արդէն,
Իսկ մութ գաղանիքը նորա հետ միասին
Թաղուած է արդէն անդնդում խորին...
Եւ շինականը իրան սիրտ տալով
Հանդարտ գնում էր լեռան լանջերով:
Եւ նորա առաջ բացուեցաւ յանկարծ
Ծանօթ անդունդը ցիներով լցուած...
Գիշառիչները ձիչ ու աղմուկով
Ցած էին իջնում ագահութիւնով,
Կնոջ դիակը կացում, պատառում,
Գարշահոտ, նեխուած, միսը քայքայում...:

ԺԵ

Ամառուան կիզիչ, արևը պայծառ.

Կըրակ էր թափում վերևից աշխարհ,
 Սարեր ու քարեր այրում, շիկացնում,
 Ծառերի կատար խանձում, առչորում:
 Չորացել էին կանաչ արտերը,
 Այրուել ու դեղնել դաշտի խոտերը՝
 Եւ արևակեղ հովիտի միջին
 Էլ ծաղիկ չը կար — չորացել էին:
 Էլ ամայացած լեռների լանջում
 Բնութեան որդու սրինգը չէր հնչում;
 Ցամաքել էին պաղ աղբուրները,
 Իսպառ չորացել գետի ջրերը:

ԺԶ

Եւ ամբողջ գիւղը մեծ սգի մէջ էր.
 Թէ այր, և թէ կին, թէ մանուկ, թէ ծեր՝
 Ուժասպառ, անջուր, թուլացած առպից,
 Պապակում էին անզուսպ ծարաւից.
 Անասունները ծարաւ, նիհարած՝
 Կոտորում էին քաղցած ու սոված.
 Գիւղացիները հեկեկում էին,
 Խաչով խաչվառով աղօթում Տէրին,
 Որ վերից ղրկի անձրևներ առատ,
 Չը թողնի գիւղը անձար, յուսահատ,
 Որ գոնէ գետը նորից հոսեցնի,
 Արտեր ու դաշտեր նորից աճեցնի:

ԺԷ

Բայց ունկնդիր չէր Աստուած բնաւին
 Տառապողների լաց ու աղօթքին. —
 Արևը վերից դարձեալ այրում էք,
 Այրում, առչորում լեռներ ու դաշտեր:
 Ախ, գոնէ գետը, գոնէ գետը գար,
 Գիւղին նոր հոգի, կենդանութիւն տար!..
 Բայց գետը բնաւ չի կարող հոսել —
 Նորա ահուներում հրէջն է նստել:

Հսկայ լեռան պէս գետի առաջին
 Նստած է հուժկու հրէշն ահագին
 Եւ ագահութեամբ ջրերը խմում,
 Խմում է, խմում, բայց չի կշտանում...

ԺԸ

Եւ ով է կարող է հրէշին հալածել,
 Գետի ափունքից նորան հեռացնել?
 Ո՞վ կը յանդգնի՝ դիւցազնի նման՝
 Անվախ, աներկիւղ մերձենալ նորան?
 Մարդկային ազգի հղօր թշնամուն
 Կարող է յաղթել թոյլ մահկանացուն?
 Եւ ով է կարող իր հասուն մտքով,
 Իր իմաստութեամբ, իր հնարքներով
 Խեղճ ժողովրդին չարիքից փրկել
 Ու նորա դառն արցունքը սրբել?
 Ոչ ոք! դեռ մարդիկ անզօր են, տկար,
 Իսկ նոցա միտքը ահաս ու խաւար:

ԺԹ

Բայց տե՛ս մեր հիւժուած հէգ շինականին,
 Որ կնոջ ձգեց անդունդը մթին. —
 Նա խորհրդաւոր հայեացքով կանգնած,
 Թշուառ ամբոխին շուրջը ժողոված՝
 Քաջալերում է, նորան խրախուսում,
 Ամենքի առաջ տալիս մեծ խոստում,
 Որ այն ահաւոր հրէշին խորտակի,
 Հէգ ժողովրդին չարիքից փրկի:
 Ամբոխը՝ երկբայ ու թերահաւատ՝
 Լսում է նորան տխուր, յուսահատ,
 Բուռըն կասկածով գըլուխը շարժում
 Ու ծաղրում նորա յանդուգն խոստում:

Ի

Եւ նա ցամաքած գետի եզերքով

Գնաց դէպի վեր զգոյշ բայլերով:
 Արևը դարձեալ կըրակ էր թափում.
 Իսկ հրէշը դարձեալ գետի ակունքում՝
 Անընդհատ նստած՝ իբրև հսկայ լեռան,
 Զրի առաջը կտրել էր իսպառ:
 Մեր շինականը երբ տեսաւ հեռուից,
 Քարափի ետև թագ կացաւ ահից...
 Օ, Հայոց Մուգա, աուր ինձ լրջութիւն
 Շարունակելու!.. Տուր ինձ զօրութիւն
 Առանց ծիծաղի բանաստեղծելու
 Ու պօէմայիս վերջը պատմելու!..

ԻԱ

Գիւղացին ինքը սիրտ տուաւ իրան,
 Բարձրացաւ, կանգնեց քարափի վերան.
 Խաչակներելով նայեց հըրէշին,
 Սկըսեց գոչել նա ձայնով ուժգին.
 «Դէ, փախիր դու հրէշ! դէ, շուտով փախիր,
 Դեռ քանի վաղ է, կեանքդ ազատիր!
 Շուտ փախիր, թէ չէ բուրդ է բո բանը —
 Անզգամ կինը, այն անպիտանը,
 Անդունդի խորքից արդէն դուրս ելած,
 Քեզ է որոնում կատղած, մոլեգնած.
 Նա ասամները կրճատացնելով՝
 Ահա գալիս է գետի եզերքով!..»

ԻԲ

Հրէշը զարհուրած վեր թռաւ տեղից,
 Իսկոյն չքացաւ գետի ակունքից.
 Նա լեղապատառ սլացաւ լեռուը,
 Բարձրացաւ նորա ամպոտ կատարը.
 Եւ վերջին անգամ նայեց իր չորս դին,
 Ահարկու ձայնով գոչեց դառնագին.
 «Քանի որ կինը ելաւ լոյս աշխարհ,
 Իմ բանըն արդէն վերջացաւ իսպառ..»

Մենք երբէք երկու հոգով միասին
 Չենք կարող ապրել երկրի երեսին.
 Կամ նա՛ պիտ լինի, կամ ես պիտ լինեմ,
 Քանի որ նա կայ—եւ աւելորդ եմ!...

ԻԳ

Հրէշն ահարեկ և յուսահատուած՝
 Լեռան կատարից նետեց իրան ցած,
 Ջարկուեց ժայռերին նա թաւագլոր,
 Ջարդուած, ջախջախուած՝ ընկաւ խորը ձոր,
 Արիւնաշաղախ մանչաց ուժգին,
 Աչքերը փակեց, աւանդեց հոգին...
 Եւ յանկարծ հեռուից, սգաւոր գիւղից,
 Լսուեցան ուրախ ձայներ, հրճուալից.—
 Թողովուրդըն էր ցնծում ու խնդում,
 Գետի լիառատ ջրերն օրհնում,
 Եւ ազատարար մեր շինականին
 Գիւղը ձօնում էր մաղթանք սրտագին...

ԻԳ

Գործած յանցանքը մեր շինականին
 Առաջ տանջում էր, կեղեքում հոգին.
 Իսկ այժմ, երբ նա անգունդում մեռած՝
 Ագահ ցիներից արդէն գիշատուած՝
 Կնոջ անունով հրէշին տապալեց
 Ու խեղճ ամբոխին աղէտից փրկեց, —
 Ջգում էր իրան իսպառ բալլաւոր.
 Այժմ հանգիստ էր, խաղաղ և անդորր:
 Արած յանցանքը նա խոստովանուեց,
 Ամբոխն էլ նորան ներեց և օրհնեց,
 Անուանեց նորան փեշօք, հնարագէտ...
 Բաց բաւական է, գնե՛ք վերջակէտ:

ՅԱՐՈՒԹԻՒՆ ԹՈՒՄԱՆԵԱՆՑ.